

Paerewa Paetae

Aronga	Te Reo Māori 3.5			
Ingoa	Waihanga tuhinga whai take i te reo Māori o te ao whānui			
Kaupae 3	Whiwhinga	6	Aromatawai	Ā-roto
Marau akoranga	Reo Māori			
Kokonga akoranga	Tuhituhi			
Tūranga o nāianei	Kua marohitia	Rā whakamātua	14 Hakihea 2012	
Rā arotake	31 Hakihea 2020	Rā whakapāho	17 Whiringa-ā-rangi 2016	

Ka waihanga tuhinga whai take te ākonga i te reo Māori o te ao whānui.

Paearu Paetae

Paetae	Kaiaka	Kairangi
<ul style="list-style-type: none"> • Waihanga tuhinga whai take i te reo Māori o te ao whānui. 	<ul style="list-style-type: none"> • Waihanga tuhinga whai kiko i te reo Māori o te ao whānui. 	<ul style="list-style-type: none"> • Waihanga tuhinga whai hua i te reo Māori o te ao whānui.

Kōrero Āpiti

- 1 I ahu mai tēnei paerewa paetae i *The New Zealand Curriculum*, Te Pou Taki Kōrero, Te Tāhuhu o te Mātauranga, 2007, me ngā whāinga i te Taumata 8 o *Te Aho Arataki Marau mō te Ako i Te Reo Māori - Kura Auraki* e noho ana ki te pae ipurangi nei, <http://tereomaori.tki.org.nz/>.
- 2 *Waihanga tuhinga whai take i te reo Māori o te ao whānui*:
 - ka whakawhanake i ngā whakaaro e hāngai ana ki te momo tuhinga, ki te kaupapa hoki
 - ka whakamahi i ngā nuka reo e hāngai ana ki te pūtake o te kaupapa, ki te hunga pānui.

Waihanga tuhinga whai kiko i te reo Māori o te ao whānui:

- ka honohono i ngā whakaaro
- ka āta whakamahi i ngā nuka reo kia tika te whakatakoto
- ka whakamahi i ngā kupu me ngā momo rerenga kōrero kia mārama kehokeho, ka whakawhere te tuhinga ki te hunga pānui.

Waihanga tuhinga whai hua i te reo Māori o te ao whānui:

- ka kōtui i ngā whakaaro kia tika, kia whai take
- ka whakamahi i ngā nuka reo kia whakapakepake, kia mau ai te hunga pānui

- he autaia te tuhinga.

- 3 Waihanga – ka whāia he ara pūnahanaha ki te whakamahere, ki te tuhi tauira hukihuki, ki te rāwekeweke, ki te mirimiri i te tuhinga, ki te āta tīpako anō i te reo me ngā kōrero e tutuki ai te pūtake o te tuhituhi.
- 4 Whakawhanake whakaaro – ko te mea nui i konei, ko te whai kia tuawhiti ake ngā whakaaro, mā te hoatu i te whakaaro tāpiri, i te whakamārama, i te kōrero whāiti, i te tauira e hāngai ana ki te momo tuhinga, me te honohono i ngā whakaaro o roto, puta noa i te tuhinga.
- 5 E arotahi ana tēnei paerewa ki te kounga o ngā whakaaro i roto i te tuhinga, mā te āta waihanga, te tirotiro anō, te whakatikatika me te whakamahi i ngā nuka reo e tika ana e puta ai tētahi tuhinga e hāngai ana ki te pūtake, te momo o te tuhinga me te hunga pānui.
- 6 Ngā Nuka reo – hei tauira: ko te kupu taurite, ko te kupu kōaro, ko te huahuatau, ko te reo whakaahua, ko te kīanga whakarite, ko te kīanga whakatangata, ko te kīwaha, ko te whakataukī me te pepeha.
- 7 Ko ngā momo tuhinga – ko te kōrerorero, ko te matapaki, ko te takinga kōrero, ko te pānui, ko te kōrero ōkawa me te tautohetohe.
- 8 *Te Ao Whānui* – he horopaki i waho atu i ngā wheako whaiaro o te ākonga. Tērā he horopaki ā-hapori, ā-rohe, ā-motu, tae atu ki te ao whānui. Tērā he horopaki e mōhio ana te ākonga, heoi ka tūhuratia kia hōhonu ake. Ahakoa he whānui rānei, he hōhonu rānei te horopaki e hāngai tonu ana ki te hōtaka ako.

9 *Kuputaka*

autaia	exceptional
honohono	link
huahuatau	metaphor
hunga pānui	audience
kīanga whakarite	simile
kīanga whakatangata	personification
kīwaha	idiom
kōrero ōkawa	formal writing
kōrerorero	dialogue, conversation
kōrero whāiti	details
kōtui	integrate, synthesise
kounga	quality
kupu kōaro	antonym
kupu taurite	synonym
mārama kehokeho	clear, coherent (writing)
matapaki	discussion
mirimiri (i te tuhinga)	reshaping (the text)
momo tuhinga	text type, genre
nuka reo	language features
pānui	bulletin
pepeha	aphorisms
pūnahanaha	systematic

pūtake	intent, purpose
rāwekeweke	rework, manipulate, fashion
reo whakaahua	imagery
rerenga kōrero	sentence, phrase
takinga kōrero	narrative, commentary
tautohetohe	debate, argument
tauira hukihuki	draft, example
tīpako	select
tirotiro anō	review text
tūhura (tia)	experiment, explore
tuawhiti (ake)	having substance, worth, quality
waihanga	crafted
whai take	purposefully
whakaaro	opinion
whakaaro tāpiri	comments
whakamahere	to plan, planning
whakapakepake	persuade, motivate
whakatakoto	place
whakataukī	proverbs
whakatikatika	edit
whakawhanake	develop
whakawhere	convincing
wheako whaiaro	personal experience

- 10 Arā Ngā Tikanga Aromatawai e pā ana ki tēnei paerewa paetae, kei te: www.tki.org.nz/e/community/ncea/conditions-assessment.php.
-

Kōrero Whakakapinga

I whakakapingia te AS90783 e tēnei paerewa paetae.

Tātari Kounga

- 1 Me matua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa, ka rēhita ai ngā hua ka puta mai i ngā aromatawaitanga ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana ā rātou hōtaka ki ngā paerewa paetae, me uru rātou ki ngā pūnaha whakarite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233